



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 413
fax. +387 33 726 414
e – mail: info@voda.ba

Broj: **UP-1/21-2-40-432-2/22**
Datum: **03.10.2022. godine**

«Agencija za vodno područje rijeke Save» Sarajevo rješavajući po zahtjevu «Agencije za vodno područje rijeke Save» Sarajevo podnesenom putem „Sektora za realizaciju investicionih projekata“ za izdavanje vodne saglasnosti za čišćenje korita rijeke Bosne, na potezu od mosta u Krivoglavcima - petlja Butile na sarajevskoj zaobilaznici, u općinama Vogošća i Novi Grad Sarajevo, na osnovu člana 109. stav (1) tačka 14., a u vezi sa članom 81. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 63/22), **d o n o s i**

R J E Š E N J E **o vodnoj saglasnosti**

1. Podnosiocu zahtjeva «Agenciji za vodno područje rijeke Save» Sarajevo daje se vodna saglasnost za čišćenje korita rijeke Bosne od naplavina, prema Elaboratu: „*Obezbjeđenje proticajnog profila rijeke Bosne na potezu most u Krivoglavcima – petlja Butile na Sarajevskoj zaobilaznici u općinama Vogošća i Novi Grad Sarajevo*“ u dužini od cca 6.550 m, urađenom od strane Hydro Control d.o.o. Sarajevo, mart 2022. godine po kojem se planira izvođenje radova na čišćenju korita rijeke Bosne, a u cilju poboljšanja uslova tečenja i sprječavanja štetnog djelovanja voda.
2. Vodna saglasnost se donosi na osnovu utvrđenog činjeničnog stanja, pregleda projektne dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za izvođenje radova.
3. Dostavljeni Elaborat je urađen u skladu sa osnovnim uslovima iz Rješenja za prethodnu vodnu saglasnost broj: UP-1/21-1-40-211-3/22 od 24.05.2022. godine. Vodna saglasnost se donosi na temelju dostavljene projektne dokumentacije pod slijedećim uslovima:
 - 3.1. Izvođenje radova na predmetnim dionicama vršiti u skladu sa ovjerenom projektnom dokumentacijom iz tačke 1. ovog Rješenja, tj. na način utvrđen u opisu tehničkog rješenja iz navedene projektne dokumentacije.
 - 3.2. Prije početka radova potrebno je obnoviti oznake poprečnih profila koje moraju biti jasno vidljive rukovaocu mehanizacije koja će se koristiti, a i u cilju lakše kontrole izvršenih radova. Parcelu/lokalitet na kojem će se vršiti čišćenje i uklanjanje materijala iz korita obavezno iskolčiti i iskolčavanje održavati tokom vršenja svih radova.
 - 3.3. Izvođač radova je dužan da uredno vodi dnevnik rada sa tačno definisanim lokalitetima iskopa, dubini iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
 - 3.4. Tačke početnog snimanja održavati u ispravnom stanju sve do izrade završnog elaborata i konačnog obračuna bilansa zemljanih radova, a za što je odgovoran izvođač radova i nadzorni organ imenovan od strane Investitora.
 - 3.5. Izvađeni materijal prije bilo kakvog transporta i manipulacije se mora prethodno prirodno ocijediti, a u cilju otklanjanja mogućnosti prljanja i kvašenja puteva na koji se navedeni lokalitet priključuje.
 - 3.6. Planom organizacije gradilišta koje će se formirati u funkciji provođenja navedenih aktivnosti, treba osigurati da mjesta za smještaj građevinske mehanizacije, tečnih goriva i maziva budu

locirana izvan nivoa velikih voda i na takvoj udaljenosti da ne mogu imati negativan uticaj na vodotok.

- 3.7. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.8. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
- 3.9. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu, u skladu sa ovjerenim Elaboratom i uslovima iz ovog rješenja.
- 3.10. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda, obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
- 3.11. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.
- 3.12. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi obuhvaćeni ovom fazom čišćenja korita rijeke, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
4. Korisnik vodne saglasnosti je dužan da riješi imovinsko pravne odnose na lokalitetu izvođenja radova, formiranja privremenih gradilišta, pristupnim putevima i deponiji za odlaganje izvađenog materijala (smeće, mulj, kruti otpad, pijesak, šljunak, šiblje i dr).
5. Ukoliko se izvođenjem radova na uređenju korita rijeke Bosne na predmetnom potezu ili drugim aktivnostima vezanim za predmetne radove prouzrokuju štete i naruši stabilnost korita, postojećih objekata i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
6. Nakon završetka radova neophodno je radni pojas koji uključuje korito, inundacioni pojas i obale rijeke urediti i očistiti od gradilišnih objekata, mehanizacije i gradilišnog otpada.
7. Ukoliko se pojavi višak materijala iz iskopa prilikom izvođenja zemljanih radova, a koji ne bude iskorišten za radove na uređenju obala na predmetnim dionicama, potrebno je isti odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti. Materijal koji ima svoju upotrebnu i tržišnu vrijednost (pijesak, šljunak...) koji se može pojaviti prilikom predmetnog čišćenja korita rijeke Bosne, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15).
8. Vodna saglasnost prestaje da važi istekom roka od dvije godine od dana njene pravosnažnosti ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
9. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor, «Agencija za vodno područje rijeke Save» Sarajevo, putem "Sektora za realizaciju investicionih projekata" Agencije, je podnio zahtjev dana 29.08.2022. godine za izdavanje vodne saglasnosti za aktivnost čišćenja korita rijeke Bosne, na području općina Vogošća i Novi Grad Sarajevo, u cilju poboljšanja uslova tečenja, po Elaboratu: *„Obezbjedenje proticajnog profila rijeke Bosne na potezu most u Krivoglavcima – petlja Butile na Sarajevskoj zaobilaznici u općinama Vogošća i Novi Grad Sarajevo”, u dužini od cca 6.550 m, urađen od strane Hydro Control d.o.o. Sarajevo, mart 2022. godine.* Uz zahtjev za izdavanje vodne saglasnosti dostavljena je slijedeća dokumentacija:

- Kopija Aktuelnog izvoda iz sudskog registra Općinskog suda u Sarajevu, broj: 065-0-RegZ-14-002716 od 21.04.2014. godine izdato od strane Općinskog suda u Sarajevu,
- Kopija obavještenja o razvrstavanju pravnog lica prema klasifikaciji djelatnosti, broj: 07-32.5-45391/12 od 11.12.2012. godine,
- Kopija uvjerenja o poreznoj registraciji, Porezna uprava FBiH - Kantonalni porezni ured Sarajevo, od 14.12.2012 godine,
- Kopija Rješenja o prethodnoj vodnoj saglasnosti broj: UP-1/21-1-40-211-3/22 od 24.05.2022. godine donesenog od strane Agencije za vodno područje rijeke Save Sarajevo,
- Uvjerenje dato od strane Općine Vogošća, Služba za urbanizam i prostorno planiranje da na osnovu Zakona o prostornom uređenju Kantona Sarajevo („Službene novine Kantona Sarajevo“ broj 24/17 i 1/18), za radove čišćenja i tekućeg održavanja korita rijeke Bosne nije potrebno pribavljanje odobrenja za građenje pa tako ni urbanističke saglasnosti, broj: 05-19-int1086/22 od 20.09.2022. godine,
- Saglasnost data od strane Udruženja sportsko ribolovno društvo „VOGOŠĆA“ za rad na rijekama na području V rijeke Bosne, broj 44/22 od 19.09.2022. godine,
- Obavjest data od strane Općine Novi Grad Sarajevo, Služba za urbanizam, stambene, imovinsko-pravne, geodetske poslovice i katastar nekretnina, da nje potrebno Urbanistička saglasnost za predmetne radove koji se smatraju tekućim održavanjem u skladu sa članom 2. tačka bbb) Zakona o prostornom uređenju („Službene novine Kantona Sarajevo“ broj 24/17 i 1/18) broj: 02/04-19-19697/22 A.D. dana 19.09.2022. godine,
- Saglasnost Udruženja sportskih ribolovaca „SARAJEVO-1906“ za izgradnju odnosno regulaciju koritra rijeke Bosne, broj: 25/22 od 12.07.2022. godine,
- Elaborat: „Obezbjeđenje proticajnog profila rijeke Bosne na potezu most u Krivoglavcima – petlja Butile na Sarajevskoj zaobilaznici u općinama Vogošća i Novi Grad Sarajevo“, urađen od strane Hydro Control d.o.o. Sarajevo, mart 2022. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku konstatovano je sljedeće:

- Elaborat, iz tačke 1. dispozitiva ovog Rješenja, urađen je od strane ovlaštenog pravnog lica koje posjeduje ovlaštenja za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12).
- Na osnovu priložene dokumentacije i Elaborata, izrađenog po uvjetima datim ranije izdatom prethodnom vodnom saglasnošću broj: UP-1/21-1-40-211-3/22, kao nesporno je ustanovljeno da na predmetnim dionicama rijeke u koritu i na obalama vodotoka postoje naplavine smeća, mulja, kamenja i šljunka, a što se odražava na režim voda na vodotoku.
- Planirani radovi spadaju u kategoriju aktivnosti obuhvaćenih članovima 80. i 81. Zakona o vodama.

Priloženi Elaborat sadrži:

- geodetski elaborat predmetnog lokaliteta na kojem se planiraju izvoditi radovi čišćenja korita;
- situaciju MJ 1:1000 i poprečne profile urađene na lokacijama gdje je potrebno čišćenje korita;
- geometrijske karakteristike korita (širina, dubina, osovina i sl.), prezentirane su na poprečnim profilima;
- priložen je tabelarni proračun količina materijala planiranog za iskop, odnosno površina na kojoj je predviđeno čišćenje korita.

U ispitnom postupku utvrđeno je da je projektna dokumentacija urađena u skladu sa uslovima iz prethodne vodne saglasnosti, broj: UP-1/21-1-40-140-4/22 od 06.05.2012. godine izdate po zahtjevu «Agencije za vodno područje rijeke Save» Sarajevo podnesenom putem "Sektora za realizaciju investicionih projekata", te je shodno članu 114. Zakona o vodama, upisivanjem broja i stavljanjem otiska pečata ove Agencije na dio dokumentacije kojom su tretirane predmetne dionice vodotoka, data vodna saglasnost na istu.

Na osnovu priloženog elaborata utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava na predmetnom području, na osnovu člana 109. stav (1) tačka 14. Zakona o vodama i člana 17., stav (1), tačka 13. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22), a u vezi sa članom 114. Zakona o vodama, valjalo riješiti kao u dispozitivu ovog rješenja.

PUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Voditelj postupka: Aida Bezdob, dipl.inž.građ.

Prilog:

Ovjeran Elaborat: „Obezbjedenje proticajnog profila rijeke Bosne na potezu most u Krivoglavcima – petlja Butile na Sarajevskoj zaobilaznici u općinama Vogošća i Novi Grad Sarajevo“, urađen od strane Hydro Control d.o.o. Sarajevo, mart 2022. godine.

Po ovlaštenju
Rukovodilac sektora za izdavanje
vodnih akata


Haris Ališehović, dipl.inž.građ.

Dostaviti:

- «Agencija za vodno područje rijeke Save», Sektor 30 (Prilog);
- AVP Sava, ISV – Vodna knjiga
- Sektor 40, arhiva
- Oglasna ploča AVP - Sava